

絳縣志卷十五

奉政大夫同知銜賞戴花翎山西絳州絳縣知縣加五級紀錄十次成都胡 延讓

衙署志第七

古者軍行有衙尊者所在後世卽以所治爲衙又軍門建牙旗白事者聚此謂之牙門今則爲官府之通稱魯語曰署者位之表也謂部署有所罔屬表著之位所以序事也絳縣城小而地偏公廡視他縣爲隘然而理庶政備燕居繫民望胥於是乎在焉今攷其界止興廢以備衙署志

萬壽宮在縣城內東北康熙三十年知縣盧絳建乾隆五年知縣王昊復建後殿三楹光緒二年知縣孟詞宗重脩爲官紳

絳縣志

卷十五

衙署門

一

歲時朝賀之地

縣署在城內正北元大德五年縣尹張敦武建明正統十三年知縣劉智脩成化中知縣陳能嘉靖中知縣李光遠萬厯中知縣徐三畏王思治黃維翰等相繼增脩 國朝順治六年

毀於寇十二年知縣賀雲舉重建大堂五楹顏曰忠愛

賀雲舉重

脩邑治碑天下之勢定乎尊卑尊卑之序存乎法制尊卑雖列法制弗飭國多廢事司法制雖舉尊卑無別國有罷民朝廷以休養生息之責寄之司牧司牧者敬承此慮不百世謀非僉同弗敢動衆四輔不舉九秋未畢弗敢勞民故必審其時之所趨而發乎情之所勸雖見爲動衆勞民之事而無背乎休養生息之旨可以告萬姓卽可以對朝廷考晉乘絳故新田舊封其人力本業務蓋藏癸巳之夏余奉命來宰斯土見村落若童屢居若罄鳥獸竄之輩土而著者若旅而僑也爰進父老咨其疾苦則曰吾土自明季迄今水旱盜賊無歲不有無有不甚夫小草弱植弗堪歲再薙也吾儕誅茅

給口非若聞曲之氓心計便巧人駟連走天下僥倖營販
可以朝白手而夕素封故天時驚魂雪涕有喘未甯宇輒
不免婦子仰屋況且十餘年險里之望兵啼狼嗥棘城無子
遺數輩奚以晨夕謀且邑治者陬不可得是挺而走險者
陴官廨數楹鞠為莽令君視事之次狐啼而望者却走
以視昔之道其儒計則以朝亦相與媮取目前夫民氣不固
恃身家永久之計不可狃也朝禁網寥濶息慄靡所怙
民志不堅其何以終日然此非田舊俗至今大變也積
狎生玩積玩生偷其勢然也朝廷為新而舊之宰勸抑焉
亦將使之罰責之恩者亦與之威而扶焉不勸抑焉
不加懲者非制之不行而尊卑之無等也邑奉天子明
命亦為百里師帥正已馭眾固可以歷階發號而嚴不章
尊卑之等登降秩然無以新地之不可視聽而束其志氣者
久荒極亂之餘視繼治習安之節其勞逸使朝氣漸固斯
如治身然庭贏之子時其饑飽節不勞逸使朝氣漸固斯
已耳偃仰膏粱一靜難動將有臃腫不振之患朝廷噢爾
民為日已久前令君雖不幸使諸君去然其奉德意爰整
殘疆碑口在人如一日也

絳縣志

卷十五

衙署門

二

原朝廷張官置吏之意而予百姓以子孫聚族之圖茲幸改
歲以來萑苻胥靖買犢釋戈昔之虎豹今之豚彘畜也
且暘雨若時含鼓之倫知課恢積棄邱壠如驚幡易嚮
撫其墟落成思伐礫耨蓬以時我安我然發為留也
時乘便時也相迫姑息而廢至其時安我然發為留也
遲然則欲速者殆息也廢至其時安我然發為留也
豈其勤吾氓焉而職之大也古有之曰收而沮諸棘於謀
歲事之常靡有曠但功伊始保無攜而沮諸棘於謀
家廩於謀國小人數椽差蔽以秋弗違是庇而於使君之
輪奐維時主者蓋庸有憂乃風雨孟吉三老弟儼然造
長吏之前而請曰興廢明驗者君之靈樂事勸者民之職
使君履庇我土則既有明驗矣顧啟處弗飭簿書期會杞棘
是依頓朝廷而委國紀長此何極工夫百里所藉春糧適千
里者三朝聚糧蓋言也庀材鳩工尺摩所藉春糧適千
据其奚免周章余不敏父老之心昔之規遠大者先以訓
保之必其成二父老之心昔之規遠大者先以訓
辭申文誥殆將誘不愚而明也盃準之水與海瀾同性
編戶齒齒絜情即何不均故尊卑相制勢匪可盡人論
者語以朝廷之慎簡徭役弗忍有旦夕就功之勢而趨者咸知
威命式憑無有因循淪喪久而不復之體將勸而趨者咸知

版築之不先而榱桷之爭獻也尊卑之序法制之數不釐而剔不督而行不日月課而耳目一變焉則將援善頌善禱之詞以董如松
咸豐五年知縣廖堃元重脩六年增建捲棚五如竹之役矣

楹東西科房各九楹又練勇房六楹光緒二十三年知縣章同建堂東側民壯房三楹西徵糧所九楹皂隸房三楹中儀門三楹門外東快役房六楹大門一座上建樓懸鐘即縣中之鐘樓同治六年知縣陳懷璋脩光緒二十四年知縣章同重脩東待質所三楹西捕班房三楹內宅在大堂後宅門一楹二堂三楹顏曰精白舊曰清白乾隆四十一年知縣朱潛發重脩東西門房各四楹又東房三楹東廳四楹旁室三楹西堂三楹光緒二十三年知縣章同重脩顏曰晚香

其詞曰堂有額

絳縣志

卷十五

衙署門

三

曰花濃人淡道光間前令李君舊題者也歲久將圯余因嗣而葺之治事暇餘憩息於此時庭菊半殘零落有致用仍其有意顏曰晚香詞客
後室一楹堂後樓三楹西房五楹後宅樓有靈其躔斯言否

三楹顏曰鏡煙

縣人譚田明絳治小樓記上之不忍勞民者心也下之必欲急公者義也二者交盡而上

下之情安余治絳年餘公旬之外未嘗妄有興作壬子春於署中隙地起一小樓崇高不及元龍之半周廣僅容淵明之膝或曰古者講軍實則有樹望氛祥則有臺做厥遺意乎余曰否是絳人之義也絳邑三隅環山六峪帶水其君子憂深而思遠其小人勤儉而尚義承平時固號文物名區兵燹後漸為寇盜狡穴且城關居民寥落官舍北倚雉堞左右闡曠暮戎之患識者恆慮之三月間偶有盜警余惶焉滋懼示父老子弟為亡羊補牢之計意在葺墉浚隄詰奸訊謀而衆父老曰不然事當有急於此者盍建樓以備不虞余曰百里皆吾圉也可棄門戶而守堂奧乎況動土則勞民聚物料則傷財勞民傷財余心何忍衆曰父母不燕子弟其何以安今縱不能崇臺傑構罄合邑之物力人工而小築數椽是何異烏獲而舉匹雛不高而山川城郭宛然在目樓雖大而登臨而頌曰樓雖不高而山川城郭宛然在目樓雖不大而登臨

眺覽足以怡神察其廬井雍熙吾侯可以樂民樂聆其呻吟
嘆息吾侯可以憂民憂而晝於此望夜於此守旱於此候雨
澇於此占風是又吾儕小人之願與侯同其憂樂者矣余曰
有是哉絳民之義也昔賈逵守絳絳民忠義之報歐陽永叔
固言之余於今而益信尹鐸曰思樂而喜思難而懼委土可
以爲師保後之君子登斯樓也得無有壘培之思與是爲記

東西廂房各四楹西向廚房三楹內庫房三楹外馬廐七楹

同治六年知縣陳懷璋重脩

縣丞宅在縣署東今廢

主簿宅在縣署西今廢

典史宅在縣署儀門東乾隆二十四年典史朱倚臣脩五十三

年典史沈銘嘉靖十三年典史沈豐二十二年典史施洽相

繼重脩

絳縣志

卷十五

衙署門

四

贊政亭在大堂東今廢

鑾駕庫在大堂東今廢

庫樓在大堂東乾隆四十年知縣朱潛發重脩

戒田亭在大堂前

寅賓館在儀門外東今移大堂西
明知縣黃維翰寅賓堂箴

徵糧亭在儀門外西今廢

旌善亭在大門外東今廢

申明亭在大門外西今廢

鐘樓舊在城內後移建西門外曰乾樓今廢
今卽以大門樓爲鐘樓

四明樓在城內南街明崇禎中知縣王敏建 國朝順治十三

年知縣賀雲舉脩光緒二十五年知縣章同重脩

分司在縣城內西南今廢

演武場舊在城東明萬厯中知縣黃維翰移西門外 國朝乾

隆七年知縣王瑞霖仍移東門外嘉慶二十二年城守司王

禮道光二十四年城守司武鎮邦相繼脩

醫學在旌善亭南今廢

陰陽學在醫學南今廢

僧會司在城內西南

道會司在東關元清觀

養濟院在申明亭後

絳縣志

卷十五

衙署門

五

普濟堂在城西

育嬰堂在城西

漏澤園在東關外

瑞麥亭在南門外今廢

監獄在縣署儀門內西光緒二十四年知縣章同重脩

常平倉在縣署西共十廩以十字識之曰元曰大曰滿曰足曰

豐曰益曰泰曰積曰亨曰裕共儲額穀一萬三千六百二十

九石四斗

社倉在縣城西雍正三年知縣李祖望建乾隆二十年知縣徐

以泰改建縣東凡二廩共儲社穀二千七百七十三石二斗

四升有奇後僅存一百七十石一斗三升有奇併入常平倉
義倉共五處一在署前東南一在橫水鎮一在下村一在倉豐
村一在董封村乾隆十三年知縣舒起奉檄勸建共儲穀三
千八百一十九石一斗有奇今分儲四鄉富戶共穀一千一

百七十石

知縣舒起初建義倉碑記粵稽義倉之設由來久矣自隋長孫平倣周禮委積之法令民間每秋出

粟麥輸之當社令社司檢校官為監察春借秋還循環無已官不侵吏不擾其法經久其利溥長其往來還借無守候已走之勞出納存儲無耗沒侵漁之弊視常平社倉諸法相濟為用者也我國家休養生息百有餘年凡耕三餘一耕九餘三一切食時用禮為元元計者既已周詳曲盡矣而猶慮水旱不時堯湯難免特頒恩綸諭令各省地方歲際豐稔勸民輸粟以備歉薄積有餘之穀麥防不足之度支分紅腐之倉庾濟枵餒之黎民變閭閻之采色為室家之盈甯拯井里之貧乏為素封之捍衛彼有餘財可以周急此有餘力可以禦侮將見強梁暴客難侵執挺之鄉鼠竊狗偷不犯報德

絳縣志

卷十五

衙署門

六

之里不但可以濟民食而且可以善民俗不但可以通民財而且可以定民志古聖王所以寓兵於農兼教於養久安長治而不敝者胥此道也今荷蒙簡命來守茲土欽奉皇上如傷之念仰遵各憲己饑之心承命積儲上宣德意下育民生而此邦紳士賈連葉等復好善同懷傾心樂輸共得穀二千五百五十石雖數未多亦云可矣苟非俗厚民勤豈得克此由斯而進又何含哺擊壤之不可再見於今日也今得與民共沐高深同安衽席何幸如之爰敘其事敬勒諸石以勸將來以垂不朽云

因利倉在縣署南東向大門一楹倉神祠一楹南北廡房各五

楹計儲社穀四千二百七十七石八斗六升五合光緒二十

五年知縣章同建規條泐石門首